

IBanga  
yesi- **1**

# Incwadi Enkulu yezindatshana

ISIZULU



basic education

Department:  
Basic Education  
REPUBLIC OF SOUTH AFRICA

Incwadi yesi-

**2**


# Isetshenziswa kanjani Incwadi Enkulu:




## Izindaba ezikule ncwadi:




### 1 Kushisa kakhulu namuhla



### 2 Siyakuthanda ukudlala



### 3 Usuku lwemidlalo yezilwane



### 4 Abantu abawusizo kithi

16



Njengothisha, kuzodingeka uzilungiselele ukwenza isifundo sokufunda ngokuhlanganyela nekilasi lakho. Ngokujwayelekile, uma kufundwa ngokuhlanganyela wena thisha usebenzisana nekilasi lonke; kanti uma lilikhulu kakhulu kudingeka ulehlukanise amaqembu amancane, noma-ke usebenze nengxene ye yalo. Kumele uqiniseke ukuthi abafundi bahlala benze isiyangi bayibone kahle Incwadi Enkulu ukuze bakwazi ukufunda kalula okubhalwe kuyo.

Encwadini Enkulu umfundu ufunda ukubamba incwadi, ukuyimisa kahle, kanye nokuphenya amakhasi ngenkathi kufundwa ngokuhlanganyela. Nendlela okufundwa ngayo umfundu uyaqequesheka ngayo, kuthuthuke ikhono lokulalela, lokukhuluma, lokufunda imibhalo, lokucabanga nelokubhala, njengoba kubalula iCAPS:

- Ukuthuthukisa ikhono lokulalela nokukhuluma.
- Ukuthuthukisa ikhono lokufunda kwabasaqala.
- Ukuphendula imibuzo emayelana nendaba.
- Ukuzebandakanya ezingxoxweni nalapho kukhulunyuwa ngokudedelana.
- Ukudweba, ukulingisa indaba.
- Ukusebenzisa izithombe ukuqagela ukuthi indaba imayelana nani.
- Ukufunda ngokuhlanganyela ukuze kuthuthukiswe ukubhala ngokuhlanganyela.



### Ukulungiselela ukufunda Incwadi Enkulu

- Qiniseka ukuthi bonke abafundi bayayibona incwadi. Uma iklasi lakho lilikhulu, yakha iqembu elincane usebenze nalo.
- Kuzodingeka wenze uhlaka ozomisa ngalo incwadi ukuze uvike ukuhlala uyibamble ngenkathi kufundwa. (Bheka imiyalelo yokwenza uhlaka lokumisa incwadi ekhaveni ngemuva.)
- Sebenzisa irula ukukhomba nokulandela amagama ngenkathi ufunda.
- Uma ufuna ukugqamisa amagama athile, sebenzisa amabhamuza enkulumo ukokelezele igama ngawo, noma usebenzise esikubiza 'ngephepha elinefasitela'. Ungakwenza lokhu ngokusika iphepha libe ngunxande, bese usika unxande phakathi nalo wakhe ngawo ifasitela, bese leli phepha ulibeka phezu kwamagama ukuze kugqame igama elilodwa ngesikhathi.

### Ukufunda ngokuhlanganyela kokuqala

Ingxene yokuqala kulesi sifundo ibheka kakhulu ukuthi abafundi bayakujabulela yini ukufunda 'nokubona' umbhalo okokuqala, lapho abafundi kudingeka khona bakhombise ukuzibandakanya ngamunye ngamunye.

- Phenza amakhasi endaba ezofundwa udlulise amehlo. Xoxa ngezithombe zayo.
- Cela abafundi baqagele ukuthi indaba imayelana nani ngokulandela izihlokwana kanye nezithombe.
- Yethula amagama alukhuni namasha ngaphambi kokuthi abafundi bayifunde indaba.
- Yenza amakhadi amagama uwasebenzise ukwethula ulwazimagama.
- Yifunde indaba usebenzisa izimo ezahlukahlukene zobuso uphinde uguquguqule izwi, ubuye ufunde ngokushesha. Sebenzisa izitho zomzimba kanye nezimo zobuso ngokuziguqula njalonjalo.
- Sebenzisa induku noma irula ukukhomba amagama ngenkathi uwafunda ukuze abafundi babone ukuthi ufunda kuphi, bakwazi ukunamathisela umsindo wezinhlamvu ngokufanele ekhasini. Lokhu kuzobasiza ukuthola ukuthi kufundwa kusukwe kwesokunxele kuyiwe kwesokudla, kanti kuqalwa phezulu kuyophunywa phansi.
- Sebenzisa lokhu ukwethula 'ulimi lwencwadi': amagama, imisho, ikhasi, umbhali, isihloko, njll.
- Dedela abafundi bazibandakanye nendaba ngokuthola ithuba lokungenelela (njengokuthi badedelwe bamemeze uma mhlawumbe kuthiya "Gijima, gijima, gijima kakhulu, ngeke uze ungebambe kodwa mina – ngiyindoda eyisinkwa sezimangal") uma kukhona lokhu embhalweni ofundwayo.
- Kumele kufundwe indaba efanayo izikhathi ezimbili noma ezintathu ukunikeza abafundi ithuba lokuqonda amagama angaba yidlanzana, ukulingisa izinto ezenzeka endaben'i noma ukuphinda baxoxe izingxene zendaba bazethule ngawabo amazwi.

### Ukufunda ngokuhlanganyela kwesibili

- Lapho sekufundwa okwesibili kudingeka kusetshenziswe umbhalo ofanayo, bese kubhekwa kakhulu ukuzibandakanya kwabafundi ngokuthi uthisha axoxisane nabo ngenhoso yokuthuthukisa ulwazimagama, ukuqonda izakhiwo zamagama (ulimi, ukusetshenziswa kwezimpawu, njll).
- Kukuwe thisha ukuthi ubheke kakhulu izinto ezifana: nokuma kwemibhalo, ukwakheka kwemibhalo, imisindo, ulimi, ukubona amagama athile kanye namazinga ahlukahlukene okuqonda imibhalo (ukuhleleka, ukuthi amagama aqonden'i, ukuwacwaninga kanye nokubuza imibuzo ekhombisa ukulangazelela).

### Ukufunda ngokuhlanganyela kwesithathu


- Uma sekufundwa okwesithathu, abafundi kumele bazifundele bona uqobo, baxoxe baphinde babhale imisebenzi yokwenziwa ngombhalo abawufundile.
- Uma kuvuma, Ukufunda Ngokuhlanganyela kumele kubambe iqhaza ekwenzeni ngcono Ukubhala Ngokuhlanganyela, lapho uthisha ekhombisa khona ukuthi kubhalwa kanjani, abafundi babhale ngokwabo nabo ngenkathi uthisha elokhu ebahlola enza namanothi. Lokhu kukhulisa abafundi uma kufika isikhathi sokuzenzela ngokwabo imisebenzi ebhalwayo.

# Kushisa kakhulu namuhla



Kushisa kakhulu.

Kushisa kakhulu ukuthi singadlala.



Kushisa kakhulu.  
Kushisa kakhulu ukuthi singadlala  
ibhola.



Kushisa kakhulu.  
Masiqxumeni singene echibini.

Wo hhayi bo!



Kumnandi futhi kupholile.

2


# Siyakuthanda ukudlala



Sonke siyathanda ukudlala.  
Yini othanda ukuyidlala?


Ngithanda ukubhukuda.  
U-Anne uthanda ukugxuma.  
UVuyo uthanda ukudlala ibholo.  
UJohn uthanda uginqigonqo.  
ULayla uthanda ukushwileka.  
USifiso uthanda ukundizisa  
ikhayithi.

Wena uthanda ukwenzani?



Namuhla kuyashisa.  
Sonke siyobhukuda.  
Kuyathokozisa ukubhukuda  
emanzini apholile aluhlaza.  
Sithanda ukudlala ibhola emanzini.

Uyakuthanda wena ukubhukuda?



3

# Usuku lwemidlalo yezilwane




Namuhla usuku  
lwemidlalo yezilwane.



Ngiyakwazi  
**ukugxuma.**

Ngigxuma ngiye  
phezulu kakhulu.  
Uyakwazi wena?






Ngiyakwazi  
**ukugijima.**  
Uyakwazi wena?




Ngiyakwazi  
**ukukhahlela.**  
Ngikhahlela kakhulu.  
Uyakwazi wena?






Ngiyakwazi **ukuphonsa**.  
Ngiphonsa ibanga elide.  
Uyakwazi wena?



Ngiyakwazi **ukwenqaka**.  
Ngenqaka kahle kakhulu.  
Uyakwazi wena?





Ngiyakwazi **ukushaya**  
ibhola. Ngilishaya kakhulu.  
Uyakwazi wena?


Ngiyakwazi **ukubhukuda**.


Ngibhukuda ngejubane  
elikhulu. Uyakwazi  
wena?



Siyakwazi  
ukubhukuda.  
Singabanqobi.

Songoba  
simunye!








Namuhla wusuku lwami lokuzalwa.  
Umuntu osebenza eposini urike  
nesikhwama esikhulu esinsundu.  
Ngiyabonga. Kazi sipho sini?




Namuhla kugqekeziwe kubo ka-Anna.  
Amaphoyisa afika ukuzosiza.  
"Ngiyethemba bazosibamba  
isigebengu" kusho uAnna.



Namuhla uJimi ungene engozini. UJimi uthathwe yi-ambulense yamumikisa esibhedlela. Onesi benodokotela bamsizile uJimi. Maduzane nje uJimi uzokwelulama.







Namuhla bekusha indlu yakubo  
kaMapula. Kufike abacishimlilo ngemoto  
enkulu ebomvu.



Ikati likaSam ligibela esihlaleni.  
Angeke lisakwazi ukwehla futhi.  
Abezicishamlilo baphinde basiza  
ukwehlisa ikati esihlahleni.



Inja kaJoseph iyagula. Useyise  
kudokotela wezilwane. Ngethemba  
ukuthi inji izophila masinyane.



USam uphethwe yizinyo. Uya  
kudokotela wamazinyo. Ngethemba  
ukuthi uSam uzomamatheka  
masinyane futhi.



Unina kaSubusiswe unguumlimi.  
Ushayela ugandaganda. Utshala  
imifino ukuze sidle sonke.



Siyamthanda uthisha wethu.  
Usifundisa ukufunda okubhaliwe  
nokubhala. Usifundisa ukupenda  
nokudweba. Wena uyathanda ukuba  
nguthisha?

Siyakwamukela kulolu chungechunge IweZincwadi Ezinkulu. Incwadi Enkulu lena ingxene yezinewadi ezisohlwini olubizwa ngeRainbow Series, okukhona kuyo izincwadi zokusebenzela, isilulu sezindaba nezinkondlo, amaphosta kanye nezincwadi ezhlelwe ngamazinga ehlukahlukene. Sethemba ukuthi uzozithola zilusizo izindaba ezahlukahlukene ochungechungeni Iwalezi Zincwadi Ezinkulu eziyishiyagalombili ezibekelwe leli banga. Kulindeleke ukuthi abafundi bakho bakuthokozele ukufunda ngokuhlanganya. I-CAPS, Emabangeni Aphansi iphawula ukuthi kubalulekile ukufunda ngokuhlanganya ekufundiseni ukufundwa kwemibhalo. Ukufunda ngokuhlanganya kuvame ukuthatha izinsuku ezimbili kuya kwezine esontweni ngalinye lapho umfundi ngamunye efunda khona umbhalo ofanayo. Izincwadi zokusebenzela, kanye nezincwadi ezhlelwe ngokwamazinga, kulungiselwe ukufezekisa yona le ngxene yokufunda.

Nokho-ke, ukusebenzisa Incwadi Enkulu enamagama amakhulu lapho kufundwa ngokuhlanganya, kuyindlela enhle kakhulu ngoba abafundi bakwazi ukubona amagama nezithombe, bakulandele ngenkathi ufunda. Lokhu kwenzeke ngendlela efanayo nangenkathi izindaba zisaxoxwa. Kubalulekile ukuthi abafundi bahlale benze indilinga enguhhafu bakokelezele Incwadi Enkulu, ukuze bawubone futhi bawufunde kahle umbhalo wayo. Amagama amakhulu akule ncwadi asiza ukuthi kufundeleke kalula ngokuphumisela ukuze kuzwe abafundi abaningi ngesikhathi esisodwa esimeni esikhululekile nesejwayelekile.


Izincwadi ezinkulu kulolu chungechunge zethula kubafundi izindaba ezahlukahlukene, izinkondlo, imilolozelo kanye nemidalo okuhambisana nolwazi kanye nemibhalo enezithombe.

Umsebenzi wakho njengothisha ukwenza izindaba ziphile ngenkathi ufundela abafundi, zijabulise, zibe noggozi. Ukusebenzisa Izincwadi Ezinkulu kwenza ukufunda kuthokozelwe nguwe kanye nabafundi ngokufanayo. Sethemba ukuthi le ncwadi izokusiza kulothu.

## Eminye imibono ngokufunda Incwadi Enkulu

- Sebenzisa ipulastiki ukwemboza Incwadi Enkulu. Kuyamsiza umfundi kanye nothisha lokhu ukuba abhale kukho.
- Bhala ngepeni elisuleka ngamanzi kulesi sembozo sepulastiki.
- Sebenzisa iphegi ukunamathisela ipulastiki encwadini enkulu.

ISBN 978-1-4315-2966-7



ISBN 978-1-4315-2966-7

**THIS BOOK MAY NOT BE SOLD.**



**basic education**

Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



## Zenzele olwakho uhlaka lokumisa Incwadi Enkulu

### Nakhu ozokudinga:

- Ikhadibhodi elinobubanzi obulingana nobeNcwadi Enkulu (594 mm) kanye nobude obuphindwe kathathu (1360 mm).
- Itheyiphu yokunamathisela
- Amaphegi amabili okunamathisela ikhadibhodi.

Sebenzisa itheyiphu yokunamathisela ukuhlanganisa izingcezu zekhadibhodi.

Goqa ikhadibhodi ulenze uhlaka bese ubamba iphansi lalo nengaphambili ukuhlanganise njengoba kukhonjiswe emdwebeni.

